

AKASHVANI AIZAWL

REGIONAL NEWS UNIT

REGIONAL NEWS BULLETIN

(MIDDAY)



MUHCS

Mizoram Universal Healthcare scheme (MUHCS 2.0) chu hman tan a ni a, MUHCS hnuaiah hian online leh offline kaltlangin chhungkaw 12,121 an in ziaklut tawh.

Mizoram sawrkar chuan February ni 16 atanga tun thla April ni 16 thleng khian MUHCS 2.0 hnuaia man chawia online-a in ziah luh hun a hawng a. MUHCS inziaklut zat hi minute tin an pun belh reng a, vawiin chhun dar 12 leh a chanve thleng khan online leh offline kaltangin mi 12121 an inziaklut tawh a. Internet that lohna khua 269-a health sub centre-ah te vawiin atangin offline hmanga inziah luh theihna hawn a ni a, inziak lut zat hi inziah luh hun a tawp hnua hriat theih a ni chauh dawn a ni.

MUHCS 2.0-ah hian cheng 2,500, 5,000 leh 10,000 te a inziah luh theih a ni dawn a. Hei hian chhungkaw khat tan cheng Nuai 5 hu thleng man chawi lova inenkawlna a huam a, hnathawk nghet zawng zawng chu inziah luh ngai loin an tel sa a, an hlawh atangin thla tin pawisa an thawh dawn a, Civil Pension leh AB-PMJAY (Golden Card) hmangte tan pawh a hranpaa inziahlulh ngai loin, MUHCS-ah an tel sa bawk.



ASF

Mizoramah vawk pul hri- African Swine Fever avanga vawk thi hriat tur a awm leh tan a, Kumin hian Serchhip leh Durtlangah te he hri hi hmuh a ni a, ASF hri hian Mizoram a chenchilh tawh avangin, khawiah emaw chuan a lang chhuak ve reng tih AH & Vety Dept hotute chuan an sawi a, tun dinhmunah state pawn atanga a lo luh leh luh loh finfiahna pawh a awm rih lo an ti a ni.

Nimin khan All Mizoram Vawk Vulh Assn chuan thuchhuah state pawn a vawk laklulh atanga ASF hi darh ni ngei a rin a nih thu sawiin hri hi a pun darh zel loh nan state pawn atanga vawk laklulh an khap tih an sawi.

ASF darh zel loh nan hian District Magistrate ten state dang atanga vawk laklulh khapna chhuah mahse tun hnaiah Serchhip District huam chhungah vawk tam tak ASF avangin thi an awm leh a, hei hi a pawt takzet a ni an ti a.

African Swine Fever (ASF) hri hi a darh zel lohna turin state pawn atangin vawk laklulh phal a ni lo a. AMVVA chuan he thuchhuah bawhzui hian thu zawm lo apiangte chungah a tul angin hma na takin a la ang an ti.



PM SGMBY

Serchhipah Pradhan Mantri Surya Ghar Muft Bijli Yojana (PM-SGMBY) hnuaia hmalakna chungchangah vawiin khan Pu Paul L Khuma hoin District Level Committee on Model Solar Village chu DC Meeting Hall-ah an thukhawm.

PM-SGMBY model solar village atan Buangpui khua chu thlan fel a lo ni tawh a. Vawiin meeting ah ZEDA ten DPR an buatsaih chu thlirho a ni. DPR hi uluk taka zirho a nih hnua committee chuan siamthat ngai lai te siamtha in lungual takin an pawmpui a ni.

He project kaltlang hian Hybrid Solar PV chu Buangpui Community Hall leh Panchayat Office ah te vuah tum a ni a. Off Grid Solar Power Plant chu Self-Help Group Building pahnihah vuah tum a ni bawk. 7.5kWp a chak Solar Street Light engemaw zat Buangpui khuaah hian vuah a ni dawn a. Heng solar atanga an sum hmuh te hi Buangpui khua hian an khaw hmasawna hna thawh nan an hmang tangkai thei dawn a ni.

DC Pu Paul L. Khuma chuan ZEDA team te leh Committee member te thahnemngai tak a thawk tur leh hmasawna kawnga mipuite thil tha kawhmuhtu ni tura fuihin an inpeknaah

lawmthu a sawi a. Buangpui khaw hmasawna leh boruak vawn thianglimna kawnga an hmalaknaah theihtawp chhuahpui turin a sawm a ni.



SAITUAL

Vawiin khan Saitual Police te chuan nikum May thla leh kumin January 7 inkara ruihhlo an man dan anga tihral turin an buatsaih.

Heng ruihhlo man te hi nikum May 2025 leh kumin January 7 inkara mi, Court a tihfel tawh an ni a, Heroin kg 27 cheng vbc 16 hu, Methamphetamine kg 53 cheng vbc 16 hu, Morphine kg 3s cheng cheng vbc 3 hu leh Opium Fluid kg 28 cheng vbc 1 hu, a vaiin cheng vbc 36 hu a tling a ni.

Saitual Bawrsap Pu Srinivas Sadi chuan Ruihhlo dona kawnga tha thlah lova thawktu Saitual police te fakawm a tih thu sawiin tan la sauh sauh turin a fuih a, ruihhlo chu khawtlang tan thil hnawksak a nih avangin ruihhlo dona kawngah sawrkar bakah khawtlang hruaitute theihtawp chhuah turin a sawm nghal a ni.

Saitual SP Pu Gaurav Tyagi chuan Saitual District ah dan ang taka ruihhlo halralna tur - Incinerator a awm loh avangin SP CID Crime Aizawlah karleh thawhtanni khian heng ruihhlo te hi thawn a nih tur thu a sawi bawk.

Vawiina ruihhlo halral tur buaipuinaah hian Police special team te chuan lirthei veivak an endik dan leh ruihhlo an man chhuah dan tlangpui an sawi fiah a, Excise Deptt hotute leh Sub Hqrs YMA Saitual hruaituten an telpui bawk a ni..

(Rammawizuala Saitual PTC)

